



HOLY ANGEL
UNIVERSITY

MENSAHI

Diciembre 16, 2016

PARA: King Balayan ning Holy Angel University

MENIBAT:

Luís Ma. R. Calingo
Presidenti ning Unibersidad

PISASABYAN: Mensahi ning Presidenti para king Balayan Unibersidad

Bilang Presidenti ning Holy Angel University, makisanmetung ku king buung balayan akademiko king pamanalangin para king pamanmetung ning kekatamung misasagsagang bansa. Ing pamanmetung a iti marapat yang miganap e pauli na ning pamikompromisu king pamanalakarang moral nune yang mangibabo king politikal at maka ekonomiyang konsiderasiun, para king kekatamung konsiensia na yamu ing asahang guia na tumaid kekatamu king katutuan at yang maging basehan para king pangmalambatang kapayapan.

Bilang unibersidad a ating makabang tradisyun na apapayaring estudyante na ating makabalayang konsiensia, kailangan tamung maging tutu king kekatamung makaaliwang papel para king panyulung ning metung a makatarungan at makataung balayan king kekatamung bansa. Ing kekatamung pagiging unibersidad Catolico na maka ayun king *Ex corde Ecclesiae*, ing apostolikong tuntunan da reng egana ganang Catolicong kolehiyo at unibersidad king mabilug a yatu, titimid na kekatamu na ituru ing katutuan at manintun para king katutuan nukarin na katamu man idala.

Inya pin, king lupa na ning politikal at makabalayang pamisulung na meging sangkan ning pamisagsagan ning kekatamung bansa keng mengalabasan domingo – ing pangalibing nang Marcos, ing patayan a e dinalan king batas, ing pamisulung king parusang kamatayan, at miyaliwa pa – etamu dapat itabili ing kekatamung katapatan king tuntunan na ning “Catholic social teaching,” mumuna na kaniti na ing bie banal ya at ing dignidad na ning tau. Paniwalan tamu na balang tau pakamalan ya, na ring tau maulaga la, na ing tune panyukad ning metung a institusyun ing nung makananu neng sisindakan o palabungan ing bie at dignidad ning tau, at ing moral a kapagsubukan ing nung makananung deng mayayalipit at magkakasakit a miyembru ning balayan maging lang pante-pante.

Kabang reseretuhan tala ding balang opinyun ning metung at metung kaniting pisasabyan, manalakaran tamu king kekatamung institusyunal a posisyun na maka ayun keng kekatamung Catolicong pangakilala at misyun. Bilang miyembru ning balayan king HAU, asahan ku ing dangalan yu kaniti.

Laus Deo Semper!